

唐  
音  
統  
籤

丁籤九十三白居易之十三

唐音統籤卷

四百三十一

五言排律二

長慶前集

東南行一百韻寄通州元九侍御澧州李十

一舍人果州崔二十二使君開州章大員外

庾三十二補闕杜十四拾遺李二十助教員

外寶七校書

南去經三楚東來過五湖山頭看候館水面闕征  
途地遠窮江界天低極海隅飄零同落葉浩蕩似  
乘桴漸覺鄉原異深知土產殊夷音語嘲晰蠻態  
笑睢盱水市通關闌煙村混舸艫吏徵魚戶稅人

納火因租亥日饒蝦蟹寅年足虎驅成人男作典  
似鬼女爲巫樓閣攢倡婦隄喧簇販夫夜船論鋪  
賃春酒斷鋌沽見果多盧橘聞禽悉鷓鴣山歌據  
獨叫野哭鳥相呼嶺微雲成棧江郊水富郭月橋  
翹柱鶴風汎颺檣烏鰲礙潮無信蛟驚浪不虞鼉  
鳴泉窟室蜃結氣浮圖樹裂山魃穴沙含水弩樞  
喘牛犁紫芋羸馬放青菰繡面誰家婢鷓頭幾歲  
奴泥中採菱茨燒後拾樵蘇鼎臑愁烹醬盤腥厭  
贈鱸鍾儀徒戀楚張翰浪思吳氣序涼透熱光陰  
且復瞞身方逐萍梗等欲近桑榆渭北田園廢江

西歲月徂憶歸恒慘潛懷舊忽踟躕自念咸秦客  
嘗爲鄒魯儒蘊藏經國術輕棄度關繻賦力凌鸚  
鵡詞鋒敵轆轤戰文重掉鞅射策一彎弧崔杜鞅  
齊下元韋轡並驅名聲逼楊馬交分過蕭朱世務  
輕摩揣周行竊覲風雲皆會合雨露各霑濡共  
偶昇平代偏慙因陋軀承明連夜直建禮拂晨趨  
美服頒王府珍羞降御厨議高通白虎諫切伏青  
蒲栢殿行陪宴花樓走看酺神旗張鳥獸天籟動  
笙竽丸劍星芒耀魚龍電策驅定場排漢旅促坐  
進吳飲縹緲疑仙樂嬋娟勝畫圖歌鬟低翠羽舞

汗墮紅珠別選間遊伴潛招小飲徒一杯愁已破  
三盞氣彌麤軟美仇家酒幽間葛氏姝十千方得  
斗二八正當鑪論笑杓胡碑談辨輩嚙嚙李醜猶  
短甕庾醉更焉迺迺鞍馬呼教任散盤噉遺輸長驅  
波卷白蓮擲采成虛

散盤卷白波莫走鞍馬皆當時酒令

籌併頻逃

席觥嚴列置盂滿卮那可灌頰玉不勝扶入視中  
樞草歸乘內廐駒醉曾衝宰相驕不揖金吾日近  
恩雖重雲高勢却孤翻身落霄漢失脚倒泥塗博  
望移門籍潯陽佐郡符

予自太子贊善大夫出爲江州司馬

時情變

寒暑世利筭錙銖卽日辭雙闕明朝別九衢播遷

分郡國次第出京都

十年春徵之移佐通州其年秋予出佐潯陽明年冬枚直

出牧澧州崔二十二出

秦嶺馳三驛商山上二邪

枚果州韋大出牧開州

商山險道中存東西二邪

崑陽亭寂寞夏口路崎嶇大道全生

棘中丁盡稅父江關未撤警淮寇尚稽誅

時淮西未平路

經襄郡二州界所見如此

林對東西寺山分大小姑

東林西林寺在廬山

非大姑小姑在廬山南彭蠡湖中自廬

廬峰蓮刻削溢浦帶紫紆

蓮花峰在廬山

廬山北溢水在江城南何遜詩云溢城對溢水紫如帶鄧

九派吞青草

浮陽在九

派南通青草洞洞庭湖

孤城覆綠蕪

南方城壁多以草覆黃昏鐘寂寂清

曉角鳴鳴春色辭門柳秋聲到井梧殘芳悲鴉轉

暮節感茱萸萸拆金英菊花飄雪片蘆波紅日斜

沒沙白月平鋪幾見林抽笋頻驚燕引雛歲華何  
倏忽年少不須更眇默思千古蒼茫想八區孔竊  
緣底事顏天有何辜龍智猶經醢龜靈未免剝窮  
通應已定聖哲不能逾况我身謀拙逢厄厄連拘  
漂流隨大海鈍鍛任洪爐險阻嘗之矣栖遲命也  
夫沈冥消意氣窮餓耗肌膚防瘴和殘藥迎寒補  
舊襦書牀鳴蟋蟀琴匣網蜘蛛貧室如懸磬端憂  
劇守株時遭人指點數被鬼挪揄兀兀都疑夢昏  
昏半是愚女驚朝不起妻怪夜長吁萬里拋朋侶  
三年隔友于自然悲聚散不是恨榮枯去夏微之

瘡今春席八殂天涯書達否泉下哭知無

去年開元九

書去竟未報今春聞席八祖久與還往能無慟矣

入謾寫詩盈卷空盛酒滿

壺只添新悵望豈復舊歡娛壯志因愁減衰容與病俱相逢應不識滿領白髭鬚

薔薇花一叢獨死不知其故因有是篇

柯條未嘗損根蔕不曾移同類今齊茂孤芳忽獨萎仍憐委地日正是帶花時碎碧初凋葉燠紅尚戀枝乾坤無厚薄草木自榮衰欲問因何事春風亦不知

憶微之傷仲遠

李三仲遠去年春喪



幽獨辭羣久漂流去國賒只將琴作伴唯以酒爲  
家感逝因看水傷離爲見花李三埋地底元九謫  
天涯舉眼青雲遠回頭白日斜可能勝賈誼猶自  
滯長沙

霖雨苦多江湖暴漲塊然獨望北亭

自作潯陽客無如苦雨何陰昏晴日少閒悶蹠時  
多湖濶將天合雲低與水和籬根舟子語巷口釣  
人歌霧島沉黃氣風帆蹙白波門前車馬道一宿  
變江湖

春末夏初閒遊江郭二首

閒出乘輕屐徐行蹋軟沙觀魚傍湓浦看竹入楊

家

湓浦多魚浦西有楊侍郎宅多好竹

林迸穿籬笋藤飄落水花雨

埋釣舟小風颺酒旗斜嫩剝青菱角濃煎白茗茶  
淹留不知夕城樹欲栖鴉

柳影繁初合鶯聲澁漸稀早梅迎夏結殘絮送春  
飛西日韶光盡南風暑氣微展張新小簾熨帖舊  
生衣綠蟻杯香嫩紅絲鱸縷肥故園無此味何必  
苦思歸

紅藤杖

杖出南蠻

南詔紅藤杖西江白首人時時攜步月處處

春勁健孤莖直疎圓六節勻火山生處遠瀘水沈  
來新粗細纔盈手高低僅過身天邊望鄉客何日  
拄歸秦

寄蘄州簟與元九因題六韻

時元九  
歸居

笛竹出蘄春霜刀劈翠筠織成雙鎖簟背與獨眠  
人卷作筒中布舒爲席上珍滑如鋪薤葉冷似臥  
龍鱗清潤宜乘露鮮華不受塵通州炎瘴地此物  
最關身

江樓早秋

南國雖多熱秋來亦不遲湖光朝霽後竹氣晚涼

時樓閣宜佳客江山入好詩清風水蘋葉白露木  
蘭枝欲作雲泉計須營伏臘資匡廬一步地官滿  
更何之

早發楚城驛

過雨塵埃滅沿江道徑平月乘殘夜出人趁早涼  
行寂歷聞吟動冥濛聞思生荷塘翻露氣稻壟瀉  
泉聲宿犬聞鈴起栖禽見火驚矐矐煙樹色十里  
始天明

山中問月

爲問長安月誰教不暫離昔隨飛蓋處今照入山

時借助秋懷曠留連夜臥遲如歸舊鄉國似對君  
親知松下行爲伴谿頭坐有期千巖將萬壑無處  
不相隨

江南謫居十韻

自哂沉真客曾爲獻納臣壯心徒許國薄命不如  
人纔展凌雲翅俄成失水鱗葵枯猶向日蓬斷欲  
辭春澤畔長愁地天邊欲老身蕭條殘活計冷落  
舊交親草合門無徑煙消甌有塵憂方知酒聖食  
始覺錢神虎尾難容足羊腸易覆輪行藏與通塞  
一切任陶鈞

江樓夜吟元九律詩成三十韻

昨夜江樓上吟君數十篇詞飄朱檻底韻墜綠江  
前清楚音諧律精微思入玄收將白雪麗奪盡碧  
雲妍寸截金爲句雙雕玉作聯八風淒間發五彩  
爛相宣水扣聲聲冷珠排字字圓文頭交比繡筋  
骨軟於綿瀕湧同波浪錚鏦過管絃醴泉流出地  
鈞樂下從天神鬼聞如泣魚龍聽似禪星迴疑聚  
散月落爲留連鷓鴣感無鳴者猿愁亦悄然交流遷  
客淚停住買人船聞被歌姬乞潛聞思婦傳斜行  
題粉壁短卷寫紅箋肉味經時忘頭風當日痊老

張知定伏短李愛應顛

張十八籍李二十  
紳皆攻律詩故云

道屈未

方振身閒業始專天教聲烜赫理合命迤邐顧我

文章劣知他氣力全功夫雖共到巧拙尚相懸各

有詩千首俱拋海一邊白頭吟處變青眼望中穿

酬荅朝妨食披尋夜廢眠老償文債負宿結字因

緣每歎陳夫子

陳子昂著感興詩稱於世

常嗟李謫仙

賀知章謂李白

爲謫仙

名高折人爵思苦減天年

李竟無官陳亦早天

不得當

時遇空令後代憐相悲今若此湓浦與通川

潯陽歲晚寄元八郎中庾三十二員外

閱水年將暮燒金道未成丹砂不肯死白髮自須

生病肺慙杯滿衰顏忌鏡明春深舊鄉夢歲晚故  
交情一別浮雲散雙瞻列宿榮螭頭階下立龍尾  
道前行封事煩聞奏除書數見名虛懷事僚友平  
步取公卿漏盡雞人報朝回幼女迎可憐白司馬  
老大在湓城

送客春遊嶺南二十韻

因叙嶺南方物以論  
之并擬徵之送崔二

十二  
之作

已訝遊何遠仍嗟別太頻離容君感促贈語我殷  
勤迢遞天南面蒼茫海北濬訶陵國分界交趾  
爲鄰荔鬱三光晦温暘四氣勻陰晴變寒暑昏



錯星辰瘴地難爲老蠻陬不易馴土民稀白首洞

主盡黃巾戰艦猶驚浪戎車未息塵

時黃象賊方動

紅旗

圍卉服紫綬裹文身麪苦桄榔製漿酸橄欖新牙

檣迎海舶銅鼓賽江神不凍貧泉煖無霜毒草春

雲煙蟒虵氣刀劍鱗魚鱗路足羈棲客官多謫逐

臣天黃生鷗母

鷗母紅欲大風卽見

兩黑長楓人

楓人因夜雷雨

輒聞長

迴使先傳語征軒早返輪須防杯裏蠱

方

蠱毒多

莫愛橐中珍北與南殊俗身將貨孰親嘗

聞君子誠憂道不憂貧

送友人上峽赴東川辟命

見說瞿塘峽斜檣濫頰根難於尋鳥路險過上龍  
門羊角風頭急桃花水色渾山迴若鼇轉舟入似  
鯨吞巖合愁天斷波跳恐地翻憐君經此去爲感  
主人恩

潯陽秋懷贈許明府

霜紅二林葉風白九江波暝色投煙鳥秋聲帶雨  
荷馬間無處出門冷少人過鹵莽還鄉夢依稀  
闕歌共思除醉外無計奈愁何試問陶家酒新  
得幾多

九日醉吟

有恨頭還白無情菊自黃  
一爲州司馬三見歲重  
陽  
劔匣塵埃滿籠禽日月長  
身從漁父笑門在雀  
羅張問疾因留客聽吟  
偶置觴歎時論倚伏懷  
舊  
數存亡奈老應無計醫  
愁或有方無過學王勣  
唯  
以醉爲鄉

題遺愛寺前溪松

偃亞長松樹侵臨小石  
溪靜將流水對高共遠  
峰  
齊翠蓋煙籠密花幢雪  
壓低與僧清影坐借鶴  
纒  
枝棲筆寫形難以琴偷  
韻易迷暑天風撼撼晴  
夜  
露淒淒獨憇依爲舍閒  
行逸作谿棟梁君莫採  
留

著伴幽棲

春江閒步贈張山人

江景又妍和牽愁發浩歌晴沙金屑色春水麴塵  
波紅簇交枝杏青含卷葉荷藉莎憐輭暖憇樹愛  
婆娑書信朝賢斷知音野老多相逢不閒語爭奈  
日長何

自江州司馬授忠州刺史仰荷聖澤聊書鄙  
誠

炎瘴拋身遠泥塗索脚難網初鱗蹶刺籠久翅摧  
殘雷電頒時令陽和變歲寒遺承舊念剖竹授

新官鄉覺前程近心隨外事寬  
生還應有分西笑問長安

江州赴忠州至江陵以來舟中示舍弟五十

韻

管作咸秦客常思江海行  
今來仍盡室此去又專

城典午猶爲幸分憂固是榮  
鱗魚鹽聚神

原喃喃切  
葦先

備也  
清切專

艘艤驛船迎共載皆妻子  
同游卽兄弟寧

辭浪跡遠且貴賞心并  
雲展帆高挂颺馳棹迅征  
泝流從漢浦循路轉荆衡  
山逐時移色江隨地改  
名風光近東早水木向前清  
夏口煙孤起湘州雨

半晴日煎紅浪沸月射白砂明北渚寒留鴈南枝  
暖待鶯駢朱桃露萼點翠柳含萌亥市

林鼓笛鳴壺漿椒葉氣歌曲竹枝聲繫纜憐沙靜  
番綸愛岸平水食紅粒稻野茹紫花菁甌汎茶如  
乳臺粘酒似餉膾長抽錦縷藕脆削瓊英容易來  
千里斯須進一程未曾勞氣力漸覺有心情臥穩  
添春睡行遲帶酒醒忽愁牽世網便欲濯塵纓早  
接文場戰曾爭翰苑盟掉頭稱俊逸翹足取公卿  
且昧隨時義徒輸報國誠衆排恩易失偏壓勢先  
傾虎尾憂危切鴻毛性命輕燭蛾誰救活蠶繭自

八子集卷之八  
纏榮劍手辭雙闕  
回眸望兩京  
長沙拋賈誼  
漳浦臥劉楨  
鷓鴣鳴還歇  
蟾蜍破又盈  
年光同激箭  
鄉思極搖旌  
潦倒親知笑  
衰羸舊識驚  
烏頭因感白  
魚尾爲勞頰  
劍學將何用  
丹燒竟不成  
孤舟萍一  
葉雙鬢雪  
千莖老見人  
情盡閒思物  
理精如湯  
探冷熱似博  
闕輸羸險路  
應須避迷塗  
莫共爭此心  
知止足何物  
要經營玉向  
泥中潔松經  
雪後貞無妨  
隱朝市不必  
謝寰瀛但在  
前非悟期無  
後患嬰多知  
非景福少語  
是元亨晦節  
全身藥明爲  
伐性兵醫器  
隨世俗蠢蠢  
學黎氓烏以  
能言講龜緣  
人

夢烹知之一何晚猶足保餘生



丁籤九十三白居易

之十三

唐音統籤卷

四百三十二

五言排律三

長慶前集

郡齋暇日憶廬山草堂兼寄二林僧社三十

韻皆敘貶官以來出處之意

諫諍知無補遷移分所當不堪匡聖主只合事空  
王龍象投新社鷄鸞失故行沈吟辭北闕誘引向  
西方便住雙林寺仍開一草堂平治行道路安置  
坐禪牀手板支爲枕頭巾閣在牆先生烏几曷居  
士白衣裳竟歲何曾悶終身不擬忙滅除殘夢想  
換盡舊心腸世界多煩惱形神久損傷正從風鼓

浪轉作日銷霜

佛經云此生死無體已如風鼓海浪又云煩惱如霜露慧日能消除

吾道尋知止君恩偶未忘忽蒙頒鳳詔兼謝剖魚

章蓮靜方依水葵枯重仰陽三車猶夕會五馬已

晨裝去似尋前世來如別故鄉看低出鷲嶺脚重

下虵岡

廬山岡名

漸望廬山遠彌愁峽路長香爐峯隱

隱巴字水茫茫瓢挂留庭樹經收在屋梁春拋紅

藥圃夏憶白蓮塘唯擬捐塵事將何荅寵光有期

追永遠

晉時永遠二法師曾居此等

無政繼龔黃南國秋猶熱

西齋夜斲涼閒吟四句偈靜對一爐香身老同丘

井心空是道場覓僧爲去伴留俸作歸糧爲報山

中侶憑看竹下房，會應歸去在松菊。莫教荒

題郡中荔枝詩十八韻兼寄楊萬州八使君

奇果標南土，芳林對北堂。素華春漠漠，丹實夏煌  
煌。葉捧低垂戶，枝擎重壓牆。始因風弄色，漸與日  
爭光。夕訝條懸火，朝驚樹點粧。深於紅踈躑，大校  
白儂榔。星綴連心朶，珠排耀眼房。紫羅裁襯殼，白  
玉裝填瓢。早歲曾聞說，今朝始摘嘗。嚮疑天上味，  
嗅異世間香。潤勝蓮生水，鮮逾橘得霜。臙脂掌中  
顆，甘露舌頭漿。物少猶珍重，天高苦渺茫。已教生  
暑月，又使阻遐方。粹液靈難駐，妍姿嫩易傷。近南

光景孰向北道途長不得充王賦無由寄帝鄉唯  
君堪擲贈面白似潘郎

發白狗峽次黃牛峽登高寺却望忠州

白狗次黃牛灘如竹節稠路穿天地險人續古今  
愁忽見千花塔因停一葉舟畏途常迫促靜境暫  
淹留巴曲春全盡巫陽雨半收北歸雖引領南  
亦迴頭替去悲殊俗今來念舊遊別僧山北寺拋  
竹水西樓郡樹花如雪軍厨酒似油時時大開口  
自笑憶忠州

中書連直寒食不歸因憶元九

去歲清明日南巴古郡後今年寒食夜西省鳳池  
頭併上新人直難隨舊伴遊誠知視草貴未免對  
花愁鬢髮莖莖白光陰寸寸流經春不同宿何異  
在忠州

待漏入閣書事奉贈元九學士閣老

衙排宣政仗門啓紫宸關彩筆停書命花輒趨立  
班稀星點銀礫殘月墮金環閣漏猶傳水明河漸  
下山從東分地色向北仰天顏碧縷爐煙直紅垂  
珮尾閒綸闕慙並入翰苑忝先攀笑我青袍故饒  
君苗綬殷詩仙歸洞裏酒病滯人間好去鴛鴦侶

冲天便不還

行簡初授拾遺同早朝入閣因示十二韻

夜色尚蒼蒼槐陰夾路長聽鐘出長樂傳鼓到新  
昌宿雨沙堤潤秋風樺燭香馬駟歎地軟人健得  
天涼待漏排闥闔停珂擁建章隨黃閣老吾次  
紫薇郎並入連稱籍齊趨對折方鬪班花接夢緯  
立鴈分行近職誠爲美微才豈合當綸言難下筆  
諫紙易盈箱老去何僥倖時來不料量唯求殺身  
地相誓答恩光

送客南遷

我說南中事君應不願聽曾經身困苦不覺語工  
寧燒處愁雲夢波時憶洞庭春畚煙勃勃秋瘴霧  
冥冥蚊蚋經冬活魚龍欲雨腥水蟲能射影山鬼  
解藏形穴掉巴蛇尾林飄鷓鴣鳥翎颶風千里黑  
草四時青客似驚弦鴈舟如委浪萍誰人勸言笑  
何計慰漂零慎勿琴離膝長須酒滿瓶大都從此  
去宜醉不宜醒

蘇徐廉切  
山菜也

新昌新居書事四十韻因寄元郎中張博士

目籠已三遷歸朝始二年囊中貯餘俸園外買閒  
田狐兔同三逕蒿萊共一壥新園聊刻穢舊屋且

扶顛簷漏移傾瓦梁歌換蠹椽平治遶臺路  
近階甃巷狹開容駕墻低壘過肩門堪駐  
室可鋪筵丹鳳樓當後青龍寺在前市街塵不到  
宮樹影相連省吏嫌坊遠豪家笑地偏敢勞寶  
訪或望子孫傳不覓他人愛唯將自性便等閑栽  
樹木隨分占風煙逸致因心得幽期遇境牽松聲  
疑澗底草色勝河邊虛潤水銷地晴和日出天苔  
行滑如算莎坐軟於緜簾每當山卷帷多待月  
籬東花掩映窗北竹嬋娟迹慕青門隱名慙紫禁  
仙假歸思晚沐朝去戀春眠拙薄才無取疎慵



不專題墻書命

補

干沽酒率分錢栢杵春靈藥銅瓶

漱暖泉爐香穿蓋散籠燭隔紗然陳室何曾掃陶  
琴不要絃屏除俗事盡養活道情全尚有妻孥累  
猶爲組綬纏終須拋爵祿漸擬斷腥羶大抵宗莊  
叟私心事竺乾浮榮水劃字真諦火生蓮梵部經  
十二玄書字五千是非都付夢語默不妨禪博士  
官猶冷郎中病已痊多同僻處任久結靜中緣緩  
步携筇杖徐吟展蜀箋老宜閒語話悶憶好書篇  
蠻榼來方瀉蒙茶到始煎無辭數相見鬢髮各蒼

然

草詞畢遇芍藥初開因詠紅藥當堦翻詩以爲一句未盡其狀偶成十六韻

罷草紫泥詔起吟紅藥詩詞頭封送後花口拆開  
時坐對鈎簾久行觀步履遲兩三叢爛熳十二葉  
參差背日房微歛當階朶旋釀釵葶抽碧股粉蕊  
撲黃絲動蕩情無限低斜力不支周廻看未足比  
論語難爲勾漏丹砂裏焦饒火燭旗彤雲賸根蒂  
絳幘欠纓綵况有晴風度仍兼宿露垂凝香熏鬢  
畫似淚著胭脂有意留連我無言怨思誰應愁明  
日落如恨隔年期茵茵泥連萼玫瑰刺繞枝等量

無勝者唯眼與心知

與沈楊二舍人閣老同食敕賜櫻桃翫物感  
恩因成十四韻

清曉趨丹禁紅纓降紫宸  
驅禽養得熟和葉摘來  
新圓轉盤傾玉鮮明籠透銀  
內園題兩字西掖賜  
三臣熒惑晶華赤醜醜氣味真  
如珠未穿孔似火  
不燒人杏俗難爲對  
豕頑詎可倫肉嫌盧橘厚皮  
笑荔枝皺瓊液酸甜足  
金丸大小勻偷須防曼倩  
惜莫擲安仁手擘纔離核  
匙抄半是津其爲舌上  
露暖作腹中春已懼長尸祿  
仍驚數食珍最慙

未報飽餒不才身

重到江州感舊遊題郡樓十一韻

掌綸知是忝剖竹信爲榮才薄官仍重恩深責尚  
輕昔徵從典午今出自承明鳳詔休揮翰漁歌欲  
濯纓還乘小艤艤却到古潞城醉客臨江待禪僧  
出郭迎青山滿眼在白髮半躋生又校三年老何  
曾一事成重過蕭寺宿再上庾樓行雲水新秋思  
間閭舊日情郡民猶認得司馬詠詩聲

贈江州李十使君員外十四韻

我本江湖上悠悠任運身朝隨賣藥客暮伴釣魚

人迹爲燒丹隱家緣嗜酒貧經過剡溪雪尋覓武陵人豈有踈狂性堪爲侍從臣仰頭驚鳳闕下口觸龍鱗劍珮辭天上風波向海濱非賢虛偶聖無屈敢求伸昔去曾同日今來卽後塵元和末與李官今又相次出爲刺史中年俱白鬢仕宦各朱輪長短才雖異榮枯事略均殷勤李員外不合不相親

題別遺愛草堂兼呈李十使君

李亦廬山人常隱白鹿洞

曾住爐峯下書堂對藥壘斬新蘿徑合依舊竹窗開砌水親開決池荷手自栽五年方斲至一宿不須回縱未長歸得猶勝不到來君家白鹿洞聞道

亦生苔

初到郡齋寄錢湖州李蘇州

聊取二郡一嘲  
故本落句之戲

俱來滄海郡半作白頭翁  
謾道風煙性何曾笑語  
同吏稀秋稅畢客散晚亭空  
霽後當樓月潮來滿  
坐風雪溪殊冷僻茂苑太繁雄  
唯此錢塘郡閒忙  
恰得中

對酒自勉

五十江城守停杯一自思  
頭仍未盡白官亦不全  
甲榮寵尋過分歡娛已校遲  
肺傷雖怕酒心健尚  
誇詩夜舞吳娘袖春歌蠻子詞  
猶堪三五歲相伴

醉花時

晚歲

壯歲忽已去浮榮何足論身爲百口長官是一州  
尊不覺白雙鬢徒言未兩轡病難施郡政老未答  
君恩歲暮別兄弟年衰無子孫惹愁諳世網治苦  
賴空門擘帶知腰瘦看燈覺眼昏不緣衣食繫尋  
合返丘園

與諸客空腹飲

隔宿書招客平明飲暖寒麴神寅日合酒聖卯時  
歡促膝纔飛白醅顏已渥丹碧簪攢米棗紅袖拂

散盤醉後歌尤異  
狂來舞不難  
拋盃語同坐  
莫作  
老人看

新秋病起

一葉落梧桐  
年光半又空  
秋多上階日  
涼足入懷  
風病瘦形如鶴  
愁焦鬢似蓬  
損心詩思裏  
伐性酒  
狂中華蓋何  
曾惜金丹不  
致功  
猶須自慙愧  
得作  
白頭翁

奉和李大夫題新詩二首各六韻

因巖亭

一作  
固巖

箕穎人窮獨  
蓬壺路阻難  
何如兼吏隱  
復得事蹟



攀巖樹羅階下江雲貯棟閒似移天目石疑入武  
丘山清景徒堪賞皇恩肯放閒遙知興未足卽被  
詔徵還

忘筌亭

翠巘公門對朱軒野逕連只開新戶牖不改舊風  
煙空室閒生白高情澹入玄酒容同坐勸詩借屬  
城傳自笑滄江畔遙思絳帳前庭臺隨事有爭敢  
比忘筌

東樓南望八韻

不厭東南望江樓對海門風濤生有信天水合無

痕鷁帶雲帆動鷗和雪浪翻魚鹽聚爲市煙火起  
成村日脚金波碎峯頭鉤點繁送秋千里鴈報曉  
一聲猿已豁煩襟悶仍開病眼昏郡中登眺處無  
勝此東軒

丁籤九十三白居易

之三十四

唐音統籤卷

四百三十三

五言排律四

後集

早春西湖閒遊悵然興懷憶與微之同賞因  
思在越官重事殷鏡湖之遊或恐未暇偶成  
十八韻寄微之

上馬復呼寶湖邊景氣新管絃三數事騎從十餘  
人立換登山屐行携漉酒巾逢花看當妓遇草坐  
爲茵西日籠黃柳東風蕩白蘋小橋裝鴈齒輕浪  
斃魚鱗畫舫牽徐轉銀船酌慢巡野情遺世累  
憚態任天真彼此年將老平生分最親高天從所願

遠地得爲憐雲樹分三驛煙波限一津翻嗟寸步  
隔却厭尺書頻浙右稱雄鎮山陰委重臣貴垂長  
紫綬榮駕大朱輪出動刀鎗隊歸生道路塵鴈驚  
弓易散鷗怕鼓難馴百吏瞻相面千夫捧擁身自  
然閒興少應負鏡湖春

早飲湖州酒寄使君

一榼扶頭酒泓澄瀉玉壺十分蘸甲酌潑灑滿銀  
盃捧出華光動嘗看氣味殊手中稀琥珀舌上冷  
醍醐瓶裏有時盡江邊無處沽不知崔太守更有  
寄來無

留題天竺靈隱兩寺

在郡六百日入山十二回宿因月桂落醉爲海榴

開

天竺嘗有月中桂于落  
靈隱多海石榴花也

黃紙除書到青宮詔命

催僧徒多悵望寶從亦徘徊寺暗煙埋竹林香雨

落梅別橋憐白石澗洞戀青苔

石橋在天竺  
明澗在靈隱

漸出

松間路猶飛馬上杯誰教冷泉水送我下山來

洛下寓居

秋館清涼日書因解悶看夜窗幽獨處琴不爲人  
彈遊宴慵多廢趨朝老漸難禪僧教斷酒道士勸  
休官澗曲莊猶在錢塘俸尚殘如能便歸去亦不

至饑寒

求分司東都寄牛相公十韻

忽忽心如夢，星星鬢似絲。縱貧長有酒，雖老未拋詩。  
儉薄身都慣，疎頑性頗宜。飯粗殮亦飽，被暖起常遲。  
萬里歸何得，三年伴是誰。華亭鶴不去，天竺石相隨。

余罷杭州得華亭鶴天竺石同載而歸

王尹賞將馬田家賣

與池開門閒坐日，遶水獨行時。懶慢交游許，衰廢相府知。官僚幸無事，可惜不分司。

履道新居二十韻

履道坊西角，官河曲北頭。林園四隣好，風景一家

秋門閉深沉樹池通淺澗溝拔青松直上鋪碧水  
平流籬菊黃金合牕筠綠玉稠疑連紫陽洞似到  
白蘋洲僧至多同宿賓來輒少留豈無詩引興兼  
有酒銷憂移榻臨平岸携茶上小舟果穿聞鳥啄  
萍破見魚遊地與塵相遠人將鏡共幽汎潭菱點  
鏡沉浦月生鉤厨曉煙孤起庭寒雨半收老饑初  
暖粥瘦冷早披裘落下招新隱秦中志舊遊辭章  
留鳳閣班籍寄龍樓病愜官曹靜間慙俸祿優琴  
書中有得衣食外何求濟世才無取謀身智不周  
應須共心語萬事一時休

洛城東花下作

記得舊詩章花多數洛陽及逢枝似雪已是鬢成  
霜向後光陰促從前事意忙無因重年少何計駐  
時芳欲送愁離面須傾酒入腸白頭無藉在醉倒  
亦何妨

奉和汴州令狐令公二十二韻

客有東征者夷門一落帆二年方得到五日未爲

淹相府領鎮隔年居易方到既到陪奉遊宴凡經五日在浚旌重葺遊梁館

更添心因好善樂貌爲禮賢謙俗阜知敦勸民安  
見察廉仁風扇道路陰雨膏閭闔文律操將柄兵



機釣得鈴碧幢油葉葉紅旆火檐檐景象春加麗  
威容曉助嚴槍森赤豹尾纛吐黑龍髯門靜塵初  
歛城昏日半啣選幽開後院占勝坐前簷平展絲  
頭毳高塞錦額簾雷槌柘枝鼓雪擺胡騰衫髮滑  
歌釵墜粧光舞汗霑回燈花簇簇過酒玉纖纖饌  
盛盤心殫醅濃盞底粘陸珍熊掌爛海味蟹螯鹹  
福履千夫祝形儀四座瞻羊公長在峴傳說莫歸  
巖蓋祝者  
詩意也春愛人人遍風情事事兼猶嫌客不醉  
同賦夜厭厭

去歲罷杭州今春領吳郡慙無善政聊寫鄙

懷兼寄三相公

爲問三丞相如何秉國鈞那將最劇郡付與苦慵  
人豈有吟詩客堪爲持節臣不才空飽暖無惠及  
饑貧昨臥南城月今行北境春鉛刀磨欲盡銀印  
換何頻杭老遮車轍吳童掃路塵虛迎復虛送慙  
見兩州民

自到郡齋僅經旬日方專公務未及宴遊偷  
閒走筆二十四韻兼寄常州賈舍人湖州崔  
郎中仍呈吳中諸客

渭北離鄉客江南守土臣涉途初改月入境已經

旬甲郡標天下環封極海濱版圖十萬戶兵籍五

千人自顧才能少何堪寵命頻冒榮慙印綬虛獎

負絲綸

除蘇州制云藏於己爲道義施於物爲政能在公形骨鯁之志園境有袴襦之樂

候病須通脈防流要塞津救煩無若靜補拙莫如

勤削使科條簡攤令賦役均以茲爲報効安敢不

躬親襦袴提於手韋弦佩在紳敢辭稱俗吏且願

治疲民常

州常

未徵黃霸湖

湖

猶借寇恂愧無蹠脚

政

河北三郡相隣皆有善政時爲蹠脚刺史

徒忝犬牙隣制誥誇黃絹

美賈常

詩篇占白蘋

美崔吳

銅符拋不得

自謂瓊

樹見無因警竊鐘傳夜催衙鼓報晨唯知對胥吏

唐書統鑑

卷四百三十三

五

丁

未暇接親賓色變雲迎夏聲殘鳥過春麥風非逐

扇梅雨異隨輪武寺山如故

武丘寺也

王樓月自新

郡內

東南樓名也

池塘閒長草絲竹廢生涼暑遺燒神斷晴

教燕舞茵待還公事了亦擬樂吾身

### 秋寄微之十二韻

娃館松江非稽城浙水東屈君爲長吏伴我作衰翁  
旌旆知非遠煙雲望不通忙多對酒榼興少閱

詩筒

比在杭州兩浙每和詩贈答於筒中遞往來

淡白秋來日疎涼雨

後風餘霞數片綺新月一張弓影滿衰桐樹香凋

晚蕙叢饑啼春穀烏寒怨絡絲蟲覽鏡頭雖白聽

歌耳未聾老愁從此遣醉筭與誰同清旦方堆案  
黃昏始退公可憐朝暮景銷在兩衙中

對酒吟

一拋學士筆三佩使君符未換銀青綬唯添雪白  
鬢公門衙退掩妓席客來鋪履舄從相近謳吟任  
所須金銜嘶五馬鈿帶舞雙姝不得當年有猶勝  
到老無合聲歌漢月齊手拍吳歛今夜還先醉應  
煩紅袖扶

西樓喜雪命宴

宿雲黃慘澹曉雪白飄飄散麴蘗市堆花壓柳

橋四郊鋪綺素萬室翬瓊瑤銀榼樽桑落金爐上  
麝譙光迎舞妓動寒近醉人銷歌樂雖盈耳慙無  
五袴謚

夜歸

逐勝移朝宴留歡放晚衙寶寮多謝客騎從半吳  
娃到處銷春景歸時及月華城陰一道直燭燭兩  
行斜東吹先催柳南霜不殺花舉橋夜沾酒燈火  
是誰家

仲夏齋居偶題八韻寄微之及崔湖州

腥血與葷素停來一月餘肌膚雖瘦損方寸任清

虛體適通宵。一頭慵隔日。梳眼前無俗物。身外卽  
僧居水榭風。半遶松廊。雨過初褰簾。放巢燕投食。  
施池魚久別。閒遊伴。頻勞問疾書。不知湖與越。吏  
隱興何如。

六月三日夜聞蟬

荷香露陸柳動好風生。微月初三夜。新蟬第一  
聲。聞諸北客。靜聽憶東京。我有竹林宅。別來蟬  
再鳴。不知池上月。誰撥小船行。

蓮石

青石一兩片。白蓮三四枝。寄將東洛去。心與物相

隨石倚風前樹蓮栽月下池遙知安置處預想發  
榮時領郡來何遠還鄉去已遲莫言千里別歲晚  
有心期

題東武丘寺六韻

香刹看非遠祇園入始深龍蟠松矯矯玉立竹森  
森怪石千僧坐靈池一劔沉海當亭兩面山在寺  
中心酒熟憑花勸詩成倩鳥吟寄言軒冕客此地  
好抽簪

夜遊西武丘寺八韻

不厭西丘寺聞來卽一過舟船轉雲島樓閣出煙



蘿路入青松影門臨白月波魚跳驚素燭猿覲怪  
鳴珂擢曳雙紅旆娉婷十翠娥客滿蟬熊等  
十妓從遊也香花  
助羅綺鐘梵避笙歌領郡時將久遊山數幾何一  
年十二度非少亦非多

松江亭携樂觀漁宴宿

震澤平蕪岸松江落葉波在官常夢想爲客始經  
過水面排罾網船頭簇綺羅朝盤鱠紅鯉夜燭舞  
青娥鴈斷知風急潮平見月多繁絲與促管不解  
和漁歌

齊雲樓晚望偶題十韻兼呈馮侍御周殷二

協律

樓在蘇州

潦倒官僚盡蕭條  
芳歲闌欲辭南國去  
重上北城看複疊  
江山壯平鋪井邑寬  
人稠過楊府坊  
隔半長安插霧峯  
頭沒穿霞日脚殘  
水光紅漾漾樹色綠  
漫漫約略留遺愛  
殷勤念舊歡  
病拋官職易老別  
友朋難九月全無熱  
西風亦未寒  
齊雲樓非面半日凭欄干

感悟妄緣題如上人壁

自從爲駮童直至作衰翁  
所好隨年異爲忙終日  
同弄沙成佛塔鏤玉謁王宮  
彼此皆兒戲須臾卽

色空有營非了義無着是真宗兼恐勤修道猶應  
在妄中

憶洛中所居

忽憶東都宅春來事宛然雪銷行徑裏水上臥房  
前厭綠栽黃竹嫌紅種白蓮醉教鴛送酒閒遣鶴  
看船幸是林園主慙爲食祿牽宦情薄似紙鄉思  
急如弦豈合姑蘇守歸休更待年

初授秘監拜賜金紫開吟小酌偶寫所懷

紫袍新秘監白首舊書生鬢雪人間壽腰金世上  
榮子孫無可念產業不能營酒引眼前興詩留身

後名聞傾三數酌醉詠十餘聲便是羲皇代先從  
心太平

有小白馬乘馭多時奉使東行至稠桑驛溢  
然而蹇足可驚傷不能忘情題二十韻

能驟復能馳翩翩白馬兒毛寒一團雪鬃薄萬條  
絲皂蓋春行日驪駒晚促時雙旌前獨步五馬內  
偏騎芳草承蹄葉垂楊拂頂枝跨將吟好客情不  
換妖姬慢鞚遊蕭寺閒驅醉習池躡來乘作夢興  
發倚成詩鞭爲馴難下鞍緣穩不離非歸還共到  
東使亦相隨赭白何曾變玄黃豈得知嘶風覺聲

急蹋雪怪行遲昨夜猶芻秣今朝尚繫維臥槽應  
不起顧主遂長辭塵滅駸駸迹霜留皎皎姿度關  
形未改過隙影難追念倍燕求駿情深項別驂銀  
收鉤臆帶金卸絡頭羈何處埋奇骨誰家覓樊帷  
稠桑驛門外吟罷涕雙垂

題洛中第宅

水木誰家宅門高古地寬懸魚挂青甃行馬護朱  
欄春榭籠煙煖秋庭鏤月寒松膠粘琥珀筠粉撲  
琅玕試問池臺主多爲將相官終身不曾到唯展  
宅圖看

早朝

鼓動出新昌雞鳴赴建章  
翩翩穩鞍馬楚楚健衣裳  
宮漏傳殘夜城陰送早涼  
月堤槐露氣風燭樺  
煙香雙闕龍相對千官鴈  
一行漢庭方尚少慙歎  
鬢如霜

宿杜曲花下

覓得花千樹携來酒一壺  
懶歸兼擬宿未醉豈勞  
扶但惜春將晚寧愁日漸晡  
籃輿爲臥舍漆盞是  
行厨斑竹盛茶櫃紅泥  
菴飯爐眼前無所闕  
身外更何須小面琵琶婢  
蒼頭盛簞奴從君飽富貴  
曾

作此遊無

山石榴花十二韻

曄曄復煌煌花中無比方艷天宜小院條短稱低  
廊本是山頭物今爲砌下芳千叢相向昔萬朵互  
低昂照灼連朱檻玲瓏映粉牆風來添意態日出  
助晶光漸綻臙脂萼猶含琴軫房離披亂剪綠斑  
駁未勻粧絳焰燈干炷紅裙妓一行此時逢國色  
何處覓天香恐合栽金闕思將獻玉皇好差青鳥  
使封作百花王

太和戊申歲大有年詔賜百寮出城觀稼謹

書盛事以俟采詩

清晨承詔命豐歲闕田閭膏雨抽苗足涼風吐穗  
初早禾黃錯落晚稻綠扶疎好入詩家詠宜令史  
館書散爲萬姓食堆作九年儲莫道如雲稼今秋  
雲不如

酬令狐相公春日尋花見寄六韻

病臥帝王州花時不得遊老應隨日至春肯爲人  
留粉壞杏將謝火繁桃向稠白飄僧院地紅落酒  
家樓空裏雪相似晚來風不休吟君悵望句如到

曲江頭



和微之春日投簡陽明洞天五十韻

青陽行已半白日坐將徂越國強仍大稽城高且  
孤利饒鹽煮海名勝水澄湖牛斗天垂象台明地  
展圖

天台四明二山

環奇填市井佳麗溢闐闐勾踐遺風

霸西施舊俗姝船頭龍天矯橋脚獸唯吁鄉味珍  
蟛蜞時鮮貴鷓鴣語言諸夏異衣服一方殊搗練  
蛾眉婢鳴榔蛙角奴江清敵伊洛山翠勝荆巫華  
表雙棲鶴聯檣幾點烏煙波分渡口雲樹接城隅  
澗遠松如畫洲平水似鋪綠科秋早稻紫笋折新  
蘆暖蹋泥中藕香尋石上蒲雨來萌盡達雷後蟄

全蘇柳眼黃絲額花房絳蠟珠林風新竹折野燒  
老桑枯帶鞞長枝蕙錢穿短貫榆暄和生野菜界  
濕長街蕪女靛紗相伴兒烹鯉一呼山臚啼稚子  
林欣挂山都產業論蠶蟻孽生計鳴雛泉岩雪飄  
灑苔壁錦漫糊堰限舟航路堤通車馬途耶溪岸  
回合禹廟徑盤紆洞穴何因鑿星槎誰與剡石凹  
仙藥白峰峭佛香爐去爲投金簡來因挈玉壺貴  
仍招客宿健未要人扶問望賢丞相儀形美丈夫  
前驅駐旌旆偏坐列笙竽刺史旗翻隼尚書履曳  
鳧學禪超後有觀妙造虛無善裏傳僧寶環中得

道樞登樓詩八詠置硯賦三都捧擁羅將綺趨踰  
紫與朱廟謨藏稷卨兵略貯孫吳令下三軍整風  
高四海趨千家得慈母六郡事嚴姑重士過三哺  
輕財抵一銖送觥歌宛轉嘲妓笑盧胡佐飲時炮  
斃蠲醜數鱸醉鄉雖咫尺樂事亦須臾若不中  
賢聖何由外智愚伊予一生志我爾百年軀江上  
三千里城中十二衢出多無伴侶歸只是妻孥白  
首青山約抽身去得無

酬鄭侍御冬雨春空過詩三十韻

次用  
本韻

南雨來多滯東風動卽狂月行離畢急龍走召雲

乍鬼轉雷車響蛇騰電策光浸淫天似漏沮洳地  
成瘡慘淡陰煙白空濛宿霧黃闇遮千里目悶結

九迴腸寂寞羈臣館深沉思婦房鏡昏鸞滅影衣

潤麝消香蘭濕難紉珮花凋易落粘沾黃鸞翅重

滋絲草心長紫陌皆泥滓黃污共森茫恐霖成怪

沴望辨劇禎祥楚柳腰肢舞湘筠涕淚滂晝昏疑

是夜陰盛勝於陽居士巾皆整行人蓋盡張跳蛙

還屢出移蟻欲深藏端坐交游廢間行去步妨愁

生垂白叟惱殺蹋青娘變海常須慮爲魚慎勿忘

此時方共懼何處可相將

此以下敘浙東政事已

望東溟禱

仍封井戶禳却思逢旱魃誰喜見商羊預怕爲蠶  
病先憂作麥傷惠應施浹洽政豈假揄揚祀典修  
成帙農書振滿牀丹誠期懇若白日會昭彰賑廩  
調饑戶苦城備壞墻且當營歲事寧暇惜年芳德  
勝令災弭人安在吏良尚書心若此不枉繫金章

洛橋寒食日作十韻

上苑風煙好中橋道路平蹴毬塵不起潑火雨新  
晴宿醉頭仍重晨遊眼乍明老慵雖省事春誘尚  
多情遇客踟躕立尋花取次行連錢嚼金勒鑿落  
寫銀罌府醞傷教送官娃喜要迎舞腰那及柳歌

言不如鴛鄉國真堪戀光陰可合輕三年過寒食  
盡在洛陽城

想東遊五十韻 并序

太和二年春予病免官後憶遊浙右數郡兼思  
到越一訪微之故兩浙之間一物已上想皆在  
目吟且成篇不能自休蓋五百字  
亦猶孫興公想天台山而賦之也

海內時無事江南歲有秋生民皆樂業地主盡賢

侯郊靜銷戎馬城高逼斗牛平河七百里沃壤三

三州 自常及杭凡三百里坐有湖山趣行無風浪憂食寧妨

解纜寢不廢乘流舉合諧天竺煙霞識虎丘 天竺虎丘

寺領郡時舊遊最熟處餘芳記蘭澤遺詠思蘋洲 古詩云蘭澤多芳草

又柳惲詩云汀州採白蘋

齒莖紅塗粉菰蒲綠潑油鱗差漁戶

舍綺錯稻田溝紫洞藏仙窟玄泉貯怪湫精神昂

老鶴姿彩媚潛蚪

大謝詩云潛蚪媚幽姿

靜闕天工妙閒窺

物狀幽投竿出比目擲果下獼猴味苦蓮心小漿

甜蔗節稠橘苞從自結麴孔是誰鑿逐日移潮信

隨風變棹謳逝夫交烈火候史次鳴驪梵塔形疑

踊

重玄閣

閭門勢欲浮

吳門

客迎携酒榼僧待置茶

甌小宴閒談笑初筵雅獻酬稍催朱蠟炬徐動碧

牙籌圓蓋飛蓮子長裾曳石榴栢枝隨畫鼓調笑

從香毳幕颺雲飄儼簾褰月露鉤舞繁紅袖去歌

切翠眉愁絃管寧容歇盃盤未許收良辰宜酌酌  
卒歲好優游鰕縷鮮仍細尊絲滑且柔飽殮爲日  
計穩睡是身謀名愧空虛得官知止足休自嫌猶  
屑屑衆笑大悠悠物表踈形役人寰足悔尤蛾蠹  
遠燈燭兔勿近罝罟幻世春來夢浮生水上漚百  
憂中莫入一醉外何求未死癡王湛無見老鄧攸  
蜀琴安膝上周易在床頭去去無程客行行不繫  
舟勞君頻問訊勸我少淹留自此後並  
薄傲之雲雨多分  
散關山苦阻修一吟江月別七見日星周昔在杭  
州別微

之微之留詩云明朝又向  
江頭別日落潮平是去時珠玉傳新什鶴鷺念故



儔懸旌心宛轉束楚意綢繆驛舫粧青雀官糟餽  
紫駟鏡湖期遠汎禹穴約冥搜預掃題詩壁先開  
望海樓飲思親履舄宿憶並衾裯志氣吾衰也風  
情子在不應須相見後別作一家遊

吾衰子在  
並出家語

丁籤九十三白居易之三

十五

唐音統籤卷十四

五言排律五

後集

分司初到洛中偶題六韻兼戲呈馮尹

相府念多病春官容不才官銜依口得俸祿逐身  
來白首林園在紅塵車馬迴招呼新客旅掃掠舊  
池臺小舫宜携樂新荷好蓋盃不知金谷主早晚  
賀筵開

阿崔

謝病臥東都巖然一老夫孤單同伯道遲暮過商  
瞿豈料鬢成雪方看掌弄珠已衰寧望有雖晚亦

勝無蘭入前春夢。桑懸昨日。弧里閭多慶。賀親戚  
共歡娛。膩剃新胎髮。香綳小繡襦。玉芽開手爪。酥  
顆點肌膚。弓冶將傳汝。琴書勿墜吾。未能知壽夭  
何暇慮賢愚。乳氣初離殼。啼聲漸變雛。何時能哺  
哺。供養白頭烏。

戲和微之荅竇七行軍之作

依本韻

旌鉞從橐鞬。寶僚禮數全。夔龍來要地。鷓鴣下遼  
天。赭汗騎驕馬。青蛾舞醉仙。合成江上作。散到洛  
中傳。陋巷能無酒。貧池亦有船。春裝秋未寄。謾道  
有閒錢。

和微之道保生三日

相看鬢似絲始作美璋詩且有承家望誰論得力  
時莫興三日歎猶勝七年遲予老微之七歲我未能忘嘉  
君應不合悲嘉名稱道保乞姓號崔兒但恐持相  
並兼葭瓊樹枝

晚起

爛熳朝眠後頻伸晚起時煖爐生火早寒鏡裏頭  
遲融雪煎香茗調酥煮乳糜慵饒還自晒快活亦  
誰知酒性温毒琴聲淡不悲樂公三樂外仍美  
小男兒

府西池北新葺水齋卽事招賓偶題十六韻

線繞府西面潺湲池北頭鑿開明月峽決破白蘋

洲清淺漪瀾急實緣浦嶼幽直衝行徑斷平入臥

齋流石疊青稜玉波翻白片鷗噴時千點雨澄處

一泓油絕境應難別同心豈易求少逢人愛翫多

是我淹留夾岸鋪長簾當軒泊小舟枕前看鶴浴

牀下見魚遊洞戶斜開扇疎簾半上鉤紫浮萍泛

泛碧亞竹修修讀罷書仍展碁終局未收午茶能

散睡卯酒善消愁簷雨晚初霽窗風涼欲休誰能

伴老尹時復一閒遊

六十拜河南尹

六十河南尹前途足可知老應無處避病不與人  
期幸遇芳菲日猶當強健時萬金何假藉一盞莫  
推辭流水光陰急浮雲富貴遲人間若無酒盡合  
鬢成絲

晚歸早出

筋力年年減風光日日新退衙歸逼夜拜表出侵  
晨何處臺無月誰家池不春莫言無勝地自是少  
閒人坐厭推囚隸行嫌引馬塵幾時辭府印却作  
自由身

醉後重贈晦叔

老伴知君少歡情向我偏無論疎與數相見輒欣然各以詩成癖俱因酒得仙笑迴青眼語醉並白頭眠豈是今投分多疑宿結緣人間更何事携手送衰年

洛下送牛相公出鎮淮南

北闕至東京風光十六程坐移丞相閣春入廣陵城紅旆擁雙節白鬚無一莖萬人開路看百吏立班迎閫外君彌重樽前我亦榮何須身自得將相

是門生

元和初牛相公應制策登第三等子爲翰林考覈官

箏

雲髻飄蕭綠花顏旖旎紅雙眸剪秋水十指剝春  
葱楚艷爲門閤秦聲是女工甲鳴銀玦璣柱觸玉  
玲瓏媛苦啼嫌月鸞嬌語詭風移愁來手底送恨  
入絃中趙瑟清相似胡琴鬧不同慢彈迴斷鴈急  
疾轉飛蓬霜珮鏘還委冰泉咽復通珠聯千拍碎  
刀截一聲終倚麗精神定矜能意態融歇時情不  
斷休去思無窮燈下青春夜樽前白首翁且聽應  
得在老耳未多聾

洛中春遊呈諸親友



莫歎年將暮須憐歲又新府中三遇臘洛下五逢  
春春樹花珠顆春塘水麴塵春娃無氣力春馬有  
精神詠春遊一時之態一並轡鞭徐動連盤酒慢巡經過舊  
鄰里追逐好交親笑語銷閒日酣歌送老身一生  
歡樂事亦不少於人

罷府歸舊居

自此後重授賓客歸履道宅作

陋巷乘籃入朱門挂印迴腰間拋紫綬纓上拂塵  
埃屈曲間池沼無非手自開青蒼好竹樹亦是眼  
看栽石片擡琴匣松枝閣酒杯此生終老處昨日  
却歸來

裴常侍以題薔薇架十八韻見示因廣爲三十韻以和之

託質依高架攢華對小堂  
曉開春去後獨秀院中  
央霽景朱明早芳時白晝長  
穠因天與色麗共日  
爭光剪碧排千萼研朱染萬房  
煙條塗石綠紛藥  
撲雌黃根動彤雲滿枝搖赤羽翔  
九微燈炫轉七  
寶帳熒煌淑氣薰行徑清陰接步廊  
照梁迷藻梲  
耀壁變雕牆爛若繁然火殷於葉  
得霜臙脂含笑  
臉蘇合裛衣香淡洽濡晨露玲瓏漏夕陽  
合羅排  
劫纈醉暈淺深粧乍見疑迴面遙看誤斷腸  
風朝

舞飛燕雨夜泣蕭娘桃李慙無語芝蘭讓不芳山  
榴何細碎石竹苦尋常蕙慘悵欄避蓮羞映浦藏  
怯教蕉葉戰妬得柳花狂豈可輕嘲詠應須痛比  
方畫屏風自展繡繖

先諫切

蓋誰張翠錦挑成字丹

砂印著行猩猩凝血點瑟瑟感金匡散亂菱紅片

尖纖嫩紫芒觸僧飄毳褐留妓冒羅裳寡和陽春

曲多情騎省郎緣誇美顏色引出姪文章東顧辭

仁里

語曰里仁爲美又裴君所居名仁和里

西歸入帝鄉假如君愛

殺留著莫移將

裴君題詩之次而常侍歸到唱和未竟而軒騎西歸故云

重修香山寺畢題二十二韻以紀之

關塞龍門口祇園驚嶺頭曾隨滅劫壞今遇勝緣  
修再瑩新金剎重裝舊石樓病僧皆引起忙客亦  
淹留四壁窮沙界孤標出贍州地圖鋪雒邑天柱  
倚松丘兩面蒼蒼岸中心瑟瑟流波翻八灘雪堰  
護一潭油臺殿朝彌麗房廊夜更幽千花高下塔  
一葉往來舟岫合雲初吐林開霧半收靜聞樵子  
語遠聽棹郎謳官散殊無事身閒甚自由吟來携  
筆硯宿去抱衾裯霽月當窗白涼風滿簾秋煙香  
封藥竈泉冷洗茶甌南祖心應學西方社可投先  
宜知止足次要悟浮休覺路隨方樂迷塗到老愁

須除愛名障莫作戀家囚便合窮年住何言竟日  
遊可憐終老地此是我菟裘

青氈帳二十韻

合聚千羊毳施張百子卷

司馬遷書云張空卷

骨盤邊柳健

色染塞藍鮮北製因戎剗南移逐虜遷汰風吹不  
動禦雨濕彌堅有頂中央聳無隅四嚮圓傍通門  
豁爾內密氣溫然遠別關山外初安庭戶前影孤  
明月夜價重苦寒年軟暖圍氈毯鎗撻束管絃最  
宜霜後地偏稱雪中天側置低歌座平鋪小舞筵  
閒多揭簾入醉便擁袍眠鐵檠移燈背銀囊帶火

懸深藏曉蘭。娟閣貯宿香。煙獸炭休親近。狐裘可  
棄。捐硯溫融。凍墨瓶煖。變春泉蕙帳。徒招隱茅庵。  
浪坐禪貧僧。應歎羨寒士。定留連賓客。於中接兒  
孫。向後傳王家。誇舊物未及此青氈。

舊物

王子敬語偷兒青氈我家

翫半開花贈皇甫郎中

八年寒食日池東小樓上作

勿訝春來晚。無嫌花發遲。人憐全盛日。我愛半開  
時。紫蠟粘爲蒂。紅酥點作蕤。成都新夾纈。梁漢碎  
臙脂。樹杪真珠顆。牆頭小女兒。淺深粧駁落。高下  
火參差。蝶戲爭香朶。鴛啼選穩枝。好教郎作伴。合

共酒相隨醉翫無勝此狂嘲更讓誰猶殘少年興  
未是老人詩西日憑輕照東風莫殺吹明朝應爛  
熳後夜更離披林下遙相憶樽前闇有期啣杯嚼  
藥思唯我與君知

西衝渠中種蓮疊石頗有幽致偶題小樓

朱檻低墻上清流小閣前  
佳人栽菡萏買石造潺湲  
潏影落江心月聲移谷口泉  
閒看卷簾坐醉聽掩窗眠  
路笑淘官水家愁費料錢  
是非君莫問一對一儵然

喜閒

瀟酒伊嵩下優游黃綺閒未曾一日悶已得六年  
閑魚鳥爲徒侶煙霞是往還伴僧禪閉目迎客笑  
開顏興發宵遊寺慵時晝掩關夜來風月好悔不  
宿香山

初夏閒吟兼呈韋賓客

孟夏清和月東都閒散官體中無病痛眼下未饑  
寒世事聞常闕交游見卽歡杯觴留客切妓樂取  
人寬雪鬢隨身老雲心著處安此中殊有味試說  
向君看

奉酬侍中夏中雨後遊城南莊見示八韻



島樹間林巒雲收雨氣殘  
四山嵐色重五月水聲  
寒老鶴兩三隻新篁千萬竿  
化成天竺寺移得子  
陵灘心覺閒彌貴身緣健  
更歡帝將風后符人作  
謝公看角里年雖老高陽興  
未闌佳辰不見召爭  
免趁杯盤

乘詩云何  
處趁杯盤

楊柳枝二十韻

楊柳枝洛下新聲也洛之小  
妓有善歌之者詞章音韻聽

可動人  
故賦之

小妓携桃葉新歌蹋柳枝  
粧成剪燭後醉起拂衫  
時繡履嬌行緩花筵笑上遲  
身輕委燈雪羅薄透  
凝脂竿引簧頻煖箏催柱  
數移樂童翻怨調才重

與妍詞便想人如樹先將髮比絲風條搖兩帶煙  
葉貼雙睂口動櫻桃破鬢低翡翠垂枝柔腰嫋娜  
蕙嫩手歲癡喉鶴晴呼侶哀猿夜叫兒玉敲音歷  
歷珠貫字纍纍袖爲收聲點釵因赴節遺重重遍  
頭別一一拍心知塞北愁攀折江南苦別離黃遮  
金谷岸綠映杏園池春惜芳華好秋憐顏色衰取  
來歌裏唱勝向笛中吹曲罷那能別情多不自持  
纏頭無別物一首謝處詩

荅皇甫十郎中秋深酒熟見憶

煙景冷蒼茫秋深夜霜爲思池上酌先覺甕頭

香未暇傾巾漉還應染指嘗醞醑慙氣味琥珀讓  
晶光若許陪歌席須容散道場月終齋戒畢猶及  
菊花黃

白羽扇

素是自然色圓因裁製功颯如松起籟飄似鶴翻  
空盛夏不銷雪終年無盡風引秋生手裏藏月入  
懷中塵尾斑非足蒲葵陋不同何人稱相對清瘦  
白鬚翁

閒園獨賞

夢得所寄蜂鶴之詠  
因成此篇以寄之

午後郊園靜晴來景物新雨添山氣色風借水精

神永日若爲度獨遊何所親仙禽狎君子芳樹倚  
佳人蟻鬪王爭肉蝸移舍逐身蟻雙知伉儷蜂分  
見君臣蝨蠕形雖小逍遙性卽均不知鵬與鷄相  
去幾微塵

詔授同州刺史病不赴任因詠所懷

同州慵不去此意復誰知誠愛俸錢厚其如身力  
衰可憐病判案何似醉吟詩勞逸懸相遠行藏決  
不疑徒煩人勸諫只合自尋思白髮來無限青山  
去有期野心惟怕鬧家口莫愁飢賣却新昌宅聊  
充送老資

詠老贈夢得

與君俱老也自問老何如  
眼澁夜先臥頭慵朝未梳  
有時扶杖出盡日閉門居  
懶照新磨鏡休看小字書  
情於故人重跡共少年疎  
唯是閒談興相逢尚有餘

奉和裴令公新成午橋庄綠野堂卽事

舊徑開桃李新池鑿鳳凰  
只添丞相閣不改午橋庄  
遠處塵埃少閒中日月長  
青山爲外屏綠野是前堂  
引水多隨勢栽松不趁行  
年華徧風景春事看農桑  
花妬謝家妓蘭偷荀令香  
遊絲飄酒席濕

布濺琴床巢許終身穩蕭曹到老忙千年落公便

進退處中央

時裝加  
中書令

### 自題小草亭

新結一茅茨規模儉且卑土階全壘塊山木半留  
皮陰合連藤架藁香近菊籬壁宜藜杖倚門稱荻  
簾垂窗裏風清夜簷間月好時留連嘗酒客勾引  
坐禪師伴宿雙棲鶴扶行一侍兒綠醅量盞飲紅  
稻約升炊醒齷豪家笑酸寒富屋欺陶廬間自愛  
顏巷陋誰知螻蟻謀深穴鷓鴣占小枝各隨其分  
足焉用有餘爲

自詠

細故隨緣盡形衰具體微  
關間僧尚閑較瘦鶴猶肥  
老遣寬裁襪寒教厚絮衣  
馬從衙草輾雞任啄籠飛  
只要天和在無令物性違  
自餘君莫問何是復何非

新亭病後獨坐招李侍郎公垂

新亭未有客竟日獨何爲  
趁暖泥茶竈防寒夾竹籬  
頭風初定後眼暗欲明時  
淺把三分酒閒題數句詩  
應須置雨榻一榻待公垂

早春卽事

眼重朝眠足頭輕宿酒醒  
陽光滿前戶雪水半中庭  
物變隨天氣春生逐地形  
北簷梅晚白東岸柳先青  
葱壠抽羊角松巢墮鶴翎  
老來詩更拙吟罷少人聽

殘春詠懷贈楊慕巢侍郎

位逾三品日

太子少傅  
官三品

年過六旬時

予今年  
六十五

不道

官班下其如筋力衰猶憐好風景  
轉重舊親知少壯難重得歡娛  
且強爲興來池上酌醉出袖中詩  
靜話開襟久閒吟放盞遲落花無  
限雪殘鬢幾多絲莫說傷心事春  
翁易酒悲



春盡日天津橋醉吟偶呈李尹侍郎

宿雨洗天津無泥未有塵初晴迎早夏落照送殘  
春興發詩隨口狂來酒寄身水邊行鬼峩橋上立  
逡巡疏傳心情老吳公政化新三川徒有主風景  
屬閒人

秋霖中奉裴令公見招早出赴會馬上先寄  
六韻

雨闌三秋日泥深一尺時老人平旦出自問欲何  
之不是尋醫藥非于送別離素書傳好語絳帳赴  
佳期續借桃花馬催迎楊柳姬只愁張錄事罰我

怪來遲

八月三日作

露白月微明天涼景物清  
草頭珠顆冷樓角玉鈎  
生氣爽衣裳健風疎砧杵鳴  
夜衾香有思秋簟冷  
無情夢短眠頻覺宵長起暫行  
爛疑臨曉影蟲怨  
欲寒聲樅老花先盡蓮凋子始成  
四時無了日何  
用嘆衰榮

奉酬淮南牛相公思黯見寄二十四韻

每對雙關

分敘

白老忘機客牛公濟世賢  
鷗棲心戀水鵬舉翅摩

天稟就優賢，秩連操造化。權貧司甚瀟，洒榮路自

喧。關聖苑三千日，台階十五年。是人皆棄忘，何物

不陶甄。

居易三任官寮皆分司東都于茲八載  
思黜出入外內凡十六年皆同平章事

疊遊嵩嶺，油幢鎮海壖。竹篙撐釣艇，金甲擁樓船。

雪夜尋僧舍，春朝列妓筵。長齋儼香火，宴宴簇花

鈿。自覺閑勝鬧，遙知醉笑禪。是非分未定，會合杳

無緣。我正思揚府君，應望洛川西。來風嫋嫋南去

鴈，連連日落龍門外。潮生瓜步前，秋同一時盡。月

共兩鄉圓，舊眷交歡在新文。氣調全慙無白雪，曲

難蒼碧雲。篇金谷詩誰賞，蕪城賦衆傳。珠應晒魚

目鉛未伏龍泉遠許驚魔物深情寄酒錢霜紈一  
百疋玉柱十三絃思懸遠寄筆來先寄詩云但愁封寄去魔物或驚禪仍與酒資  
至楚醞來樽裏秦箏送耳邊何如紅燭下相對一  
陶然

閒遊卽事

郊野遊行熟村園次第過驀山尋浥澗踏水渡伊  
河寒食青青草春風瑟瑟波逢人共杯酒隨馬有  
笙歌勝事經非少芳辰過亦多還須自知分不老  
擬如何